



**UNTAET**  
**UNITED NATIONS TRANSITIONAL ADMINISTRATION IN EAST TIMOR**  
**Nasoens Unidas Nia Administrasaun Tranzisional Iha Timor Lorosa'e**

**Gabinete Komunikasaun no Informasaun Públiku Nian**

**INFORMASAUN KONA BA KRIMI SÉRIU NO JUSTISA BA VÍTIMA SIRA IHA VIOLENSIA TINAN 1999 NIAN**

- Painel Krimi Seriu nian iha Tribunal Distritu Dili iha tiha ona mandatu eksklusivu ida atu julga ema suspeitu sira maka halo krimi sériu nebe iha relasaun ho konsulta popular iha loron 30, fulan Agostu, tinan 1999. Painel ne'e, nebe integra juiz Timor oan nain ida no juiz internasional nian nain rua, bele halo julgamentu ba kazus Jenosidiu, Krimi Funu , Krimi Kontra Humanidade, Oho Ema, Tortura no Ofensas Sexuais nian nebe mosu entre loron 1 fulan Janeiru to'o loron 25 fulan Outubru, tinan 1999. Painel Espesial ida harí tiha ona iha fulan Junhu tinan liu ba , no Painel ne'e hola parte iha Departementu Justisa nian. Tribunal ba krimi ordinariu nian sira harí tiha ona iha Distritu Dili, Baucau no Oecussi.
- Enkuadramentu legal nebe halo konta kona ba violensia sériu kontra direitus humanus no lei humanitaria internasional , sei bele hetan iha Regulamentu 2000/15, nebe koalia kona ba Estabelesimentu Painel nian no Juridisaun Eskluzivu kona ba Ofensas Krimi Sériu nian sira, no Regulamentu 2000/16 koalia kona ba Organizasaun Servisu Akuzasaun nian.
- Gabinete Prokurador Jeral Timor Lorosa'e nian iha intensaun atu investiga insidenti bo'ot sira hanesan oho ema barak nebe akontese iha rai Timor laran tomak. Ba ema sira nebe halao violensia iha nivel hotu-hotu, liu-liu ba sira nebe maka bele hatan ba kampanye kona ba oho nebe halao direktamente, akuzasaun no deportasaun ba populasau civil nian sira, sei atu responsabiliza ba hahalok krimi nebe sira halo.
- Investigador Krimi Sériu nian sira konsentra ba kazu importante lima hanesan tuir mai ne'e: Masakre iha Igreja Liqueça (loron 6 fulan Abril, tinan 1999); oho ema nebe akontese iha Manuel Carrascalão nia uma (loron 17 fulan Abril, tinan 1999); oho ema iha Estasaun Polísia Maliana (loron 2-8 fulan Setembru, tinan 1999); kazu Lospalos (loron 21 fulan Setembru, tinan 1999) no kazu violensia sexual nian (loron 2 fulan Maiu- loron 16 fulan Setembru, tinan 1999). Kazus sira ne'e involve ema suspeitu besik nain 30 nebe tur iha pozisaun superior ka ulun bo'ot iha distritu, sub-distritu no mos iha nivel provincial nian sira, inklui milisia nivel ki'ik nain 16 nebe oras ne'e dadaun dadur hela iha prizaun.

- Ema suspeita besik nain 60 tamba halao Krimi Sériu, oras ne'e dadaun dadur hela iha kadeia Becora ( Dili ) no Gleno, distritu Ermera nian. To'o oras ne'e, ema nain 31 maka hetan ona akuzasaun.
- Gabinete Prokurador Jeral nian hatama tiha ona akuzasaun primeiru ba kazu Krimi Kontra Humanidade iha tribunal iha loraon 11 fulan Dezembru, tinan 2000. Akuzasaun ne'e halao ba ema nain 11 nebe halao Krimi Kontra Humanidade, inklui oho ema, tortura, deportasaun no obriga lori sai populasaun civil sira hosi Lospalos, Distritu Lautem nian entre loraon 21 fulan Abril no loraon 25 fulan Setembru, tinan 1999. Grupu nebe integra membrus hosi milisia Tim Alfa nian no Ofisiais Militar Indonesia nian hetan akuzasaun tamba halao, pelu menus asasinatu nain 13. Audensia preliminarria ba kazu ne'e sei atu hahu iha loraon 16 fulan Feveireiru, tinan 2001 no nia julgamentu, iha espetativa, sei atu hahu iha fulan Marsu nia laran.
- Akuzasaun segundu ba Krimi Kontra Humanidade nian hatama tiha ona ba tribunal iha loraon 6 fulan Feveireiru, tinan 2001. Ema nain lima, inklui ofisiais militar Indonesia nian nebe hetan akuzasaun ona hanesan suspeitu tamba oho ema, violasaun, halakon liberdade la ho lei, aktus persekusaun no hatun dignidadi nian. Krimi sira ne'e, membrus Militar Indonesia nian no milisia Kaer Metin Merah Putih sira duni maka hala'o entre fulan Abril no fulan Outubru, tinan 1999 iha Lolotoe, Distritu Bobonaro.
- Hanesan aumenta tan ba paket primeiru kazu importante sira ne'e, investigasaun mos avansa ba tan iha kazu signifikante lima seluk hanesan: masakre iha Igreja Suai (loraon 6 fulan Setembru tinan 1999); atake nebe halo ba uma Bispo Carlos Ximenes Belo nian (loraon 6 fulan Setembru tinan 1999); masakre iha rai Passabe no Makaleb, Distritu Oecussi (fulan Setembru-Outubru, tinan 1999); no kazu segundu iha Lospalos (fulan Abril-Setembru tinan 1999); no mos kazu violensia sexual nian tan.
- Gabinete Prokurador Jeral nian oras ne'e halao namanas polisia ida nebe iha objektivu mos atu prosekuta ema sala nain sira iha nivel ki'ik, nebe hola parte iha aktus kriminal hamutuk ho sira seluk nebe tur iha pozisaun senior ka pozisaun ulun bo'ot nian. Kazu individual nian barak tamba oho ema no ofensas sira seluk nebe tama iha kategoria mandatu Krimi Sériu nian, nia julgamentu halao tiha ona, no oras ne'e iha namanas prosesu julgamentu nia laran. Sentensa primeiru ba kazu ida ne'e nian halao tiha ona iha loraon 25 fulan Janeiru, tinan 2001. Eis membru milisia nian ida nebe oho ema iha distritu Bobonaro iha loraon 8 fulan Setembru, tinan 1999, hetan sentensa tinan 12 iha kadeia.

*Dili, 15 Feveireiru, 2001*